

Peqateqarluni nammineq illulianik sanaartorneq – Illorput 2100

Peqateqarluni nammineq illuliassat katiteriaannaat nunaqarfinnut isorliunerusunullu neqeroorutigineqarsinnaallutillu sanaartorneqarsinnaapput, ima paasillugu, peqateqarluni nammineq illulianik sanaartorsinnaaneq aqqiissut atorlugu illoqarfinni Qaqortumi, Nuummi Sisimiuni Ilulissanilu illunik katiteriaannarnik sanaartortoqarsinnaanngilaq, illoqarfinni taakkunani illuliornissamut realkredit-imut attartornissamut periarfissaqarmat.

Peqateqarluni nammineq illuliassat katiteriaannaat Illorput 2100-upput, angissutsillu marluk tullingtuuttut toqqarneqarsinnaallutik; 91 m² aamma 112 m². Illorput 2100-mut nassuiaat ilanngunneqartoq takuuk. Maluginiarneqassaaq, angissutsinut marlunnut akit aalajangersimasuummata, taamaattorli ukioq kaajallallugu imermut kiisalu kuuffissuaqarnissamut tunngasumik toqqaasoqarsinnaalluni.

Piumasagaatit

Sanaartoqatigiinnut aqqiissut aqputigalugu illuliornissamut qinnuteqarnermi, piumasagaatit tullingtuuttut naammassineqassapput:

- Qinnuteqartoq ukiuni kingullerni tallimani inuussutissarsiuteqarsimassaaq.
- Illup sanaartorneqarnerani qinnuteqartoq ilinniarsimasumik ikiorteqassaaq.
- Qinnuteqartoq Kalaallit Nunaanni najugalittut inuit nalunaarsorsimaffianni nalunaarsorsimassaaq.
- Qinnuteqartoq Boligstøtte aqputigalugu imaluunniit pisortanit tapiiffigineqarsimasumik illuuteqariissanngilaq.
- Sanaartornissamik akuersisummik tunineqareernermit, ukiut marluk kingorna illu naammassineqareersimassaaq/atulereerneqareersimassaaq.

Minnerpaatut annerpaatullu isertitassat

Illoqutigiinnut minnerpaatut isertitaasut 0-300.000 koruuninik annertussuseqarput. Illoqutigiit isertitaat taakku akornanniippata, taava sanaartornermut aningaasartuutit tamakkiisut 5 procentii nammineq aningaasaliissutigineqassapput.

Annerpaatut isertitat killiffiat 600.000 koruuniuvoq. Ukiumut 600.000 koruunit sinnerlugit isertitaqarnermi, erniaqanngitsunik akilersugassaanngitsunillu peqateqarluni nammineq illulianik sanaartornermut taarsigassarsititsisoqarsinnaanngilaq.

Kommunalbestyrelsimit taarsigassarsiutigineqartut qinnuteqartup illoqutaasalu ukiumut isertitaat akileraarutaasussat agguaqatigiisillugit 300.000 koruunit sinnerpagit 5.882,00 koruunikkaarlugit 1 procent-imik apparneqassapput.

Ukiuni tallimani kingullerni ukiumut isertitat agguaqatigiissinnerinut sanilliullugu, nammineq aningaasaliissutissat annertussusissaat eqitsimmi assersuutit takuneqarsinnaapput:

Ukiumut isertitat	Taarsigassarsiassat procentinngorlugu	Nammineq aningaasaliissutissat procentinngorlugu
300.000 kr.	95,0%	5 %
350.000 kr.	86,5%	13,5 %
400.000 kr.	78,0%	22 %
450.000 kr.	69,5%	30,5 %
500.000 kr.	61,0%	39 %

550.000 kr.	52,5 %	47,5 %
600.000 kr.	44 %	56 %

Aningaasartuutit allat

Sanaartorfigissaanermut imaluunnit kuuffissuarmut attavilersinneq sanaartortumit akilerneqassapput. Peqateqarluni nammineq illuliassamut aningaasaliinissaq pillugu, peqateqarluni nammineq illulianik sanaartorniartoq aningaaserivimmik oqaloqatiginnikkuni pitsaanerussiaq.

Aningaasalersuutit

Peqateqarluni nammineq illulianik katiteriaannarmik sanaartornissamik qinnuteqarnermi, ukiut kingulliit tallimat agguaqatigiissillugu ukiumut isertitat uppersaatiit ilanngunneqassapput. Ukiumut isertitat aallaavigalugit, peqateqarluni nammineq illulianik sanaartornissamik illumut nammineq aningaasaliissutissat naatsorsorneqartarput.

Sanaartornermut aningaasartuutit

Sanaartornermut aningaasartuutissat katinneri, illumut nammineq aningaasaliissutissanut toqqammaviliissapput.

Illorput 2100 112m²-isut angitigisumik illuliorneq missiliorlugu aningaasartuutit ima naatsorsorneqarsinnaapput:

Illuliassaq nassiunnera ilanngullugu	1.300.000
Sanasoq	1.200.000
Ruujorilerineq uiguliuttagaq ilanngullugu	175.000
Innaallagialerineq uiguliuttagaq ilanngullugu	175.000
Katillugit	2.850.000

Illu 91m²-isut angitigisoq qinissagaanni akia 2.600.000 missaaniissaaq.

Assassortartumik ikiorteqarnermut akit, pingaartumik sanasut, assigiinngiaarsinnaapput, apeqqutaalluni peqateqarluni illuliortup suliassat ilai nammineq sularisinnaanera, aammalu innallagissamut, imermut aammalu kuuffissuarmut attavilissappat taakku takissusaat. Assassortartunit neqeroortitsinerneq kommunu ikiuussinnaavoq.

Nammineq aningaasaliissutissanik naatsorsuineq

Ataatsimut sanaartornermut aningaasartuutissat nammineq aningaasaliissutissat procentianik amerlisarneqarneratigut, nammineq aningaasaliissutissaq naatsorsorneqartarpoq.

Peqateqarluni nammineq illuliortup nammineq aningaasaliissutissat assersuutitut naatsorsuineq:

Ukiumut isertitat	Taarsigassarsiassat procentinngorlugu	Aningaasartuutit	Namineq aningaasaliissutissat procentinngorlugu
300.000	95,0%	2.850.000	143.000
350.000	86,5%	2.850.000	385.000
400.000	78,0%	2.850.000	627.000
450.000	69,5%	2.850.000	898.000
500.000	61,0%	2.850.000	1.112.000
550.000	52,5%	2.850.000	1.353.000
600.000	44,0%	2.850.000	1.596.000

Tamatuma saniatigut sanaartorfigissaasoqassappat imaluunnit kuuffissuarmut attaviliisoqassappat taakku sanaartortumit akilerneqassapput. Taakku aningaasartuutit taarsigassarsiat naatsorsornerinut ilaasinnaangillat.